

No. Rujukan : PBBPP.UKK.100-2/1/1(90)
Tarikh : 13 Jun 2023

KENYATAAN MEDIA

***Trash Free Hill* kembali untuk Edisi Keempat pada 2023, Sertai Kami dalam Memelihara Keindahan Bukit Bendera!**

Perbadanan Bukit Bendera Pulau Pinang (PBBPP) berbesar hati mengumumkan acara tahunan ***Trash Free Hill*** kembali pada **24 September 2023**, menandakan edisi keempat sejak pelancaran pada 2018. PBBPP menjemput dan menggalakkan individu daripada semua lapisan masyarakat, terutamanya keluarga, pejalan kaki / pendaki yang berpengalaman, dan agensi korporat untuk menyertai inisiatif pembersihan ini.

***Trash Free Hill* (TFH)** ialah aktiviti mengutip sampah sarap yang dijalankan setiap tahun bertujuan untuk meningkatkan kesedaran dan mempromosikan pemeliharaan Bukit Bendera. Ia berfungsi sebagai platform untuk mendidik dan meningkatkan kesedaran alam sekitar dan pelupusan sisa, sekali gus melindungi dan memelihara Bukit Bendera dan biodiversitinya. Selama bertahun, ia telah terbukti sebagai inisiatif yang berkesan dan berjaya menarik bilangan sukarelawan yang ramai.

Pada 2018, seramai 550 sukarelawan bergabung tenaga membersihkan sehingga 500 kg sampah sarap apabila TFH mula dilancarkan. Pada tahun berikutnya, acara itu menyaksikan penyertaan yang lebih besar, seramai 726 sukarelawan berjaya membersihkan lebih 480 kg sampah dari Bukit Bendera. Semasa edisi terbaharu pada tahun 2022, seramai 736 sukarelawan mendedikasikan usaha mereka, sebanyak 436.4 kg sisa sampah sarap berjaya dipungut.

Sukarelawan yang menyertai ***Trash Free Hill* (TFH)** dapat menyumbang kepada pemeliharaan Bukit Bendera, memastikan persekitaran yang bersih dan mengekalkan status sebagai Rizab Biosfera UNESCO. Hal ini membantu untuk menjaga keindahan Bukit Bendera untuk dinikmati oleh generasi akan datang.

Trash Free Hill 2023 (TFH2023) akan berlangsung dari pukul **6.30 pagi sehingga 12.00 tengahari** di tujuh laluan sekitar Bukit Bendera, bermula di **Pintu Masuk A & B Moongate, Taman Botani, Jalan Jip, Laluan Warisan/Stesen Bawah, Ladang Hye Keat, dan Jalan Air Itam**. Kesemua laluan ini akan berakhir di Dataran, Bukit Bendera.

PBBPP mensasarkan seramai 700 sukarelawan menyertai ***Trash Free Hill*** pada tahun ini. Setiap sukarelawan akan menerima **Kit Peserta Sukarelawan TFH2023** dan e-sijil sebagai tanda penghargaan. Sukarelawan digalakkan untuk membawa botol air mereka sendiri dan memakai tshirt ***Trash Free Hill*** yang lalu semasa menyertai TFH2023 bagi menyokong inisiatif hijau Kerajaan Negeri Pulau Pinang.

Sukarelawan akan dibekalkan dengan sarung tangan, beg sampah, dan guni untuk memudahkan usaha pembersihan mereka. Beg yang telah diisi akan dikumpul, ditimbang dan dianalisis oleh kakitangan dari Pusat Kajian Kelestarian Global dan Kampus Sejahtera Universiti Sains Malaysia (USM).

Pendaftaran adalah percuma dan dibuka mulai 14 Ogos 2023. Sukarelawan yang berminat boleh mendaftar secara atas talian di laman sesawang Perbadanan Bukit Bendera Pulau Pinang. Sebarang tajaan daripada individu, perniagaan dan organisasi adalah dialu-alukan.

TFH2023 merupakan kerjasama Kerajaan Negeri Pulau Pinang melalui YB Phee Boon Poh, Exco Alam Sekitar dan Kebajikan Negeri Pulau Pinang serta Majlis Bandaraya Pulau Pinang (MBPP), Penang Green Council (PGC), Universiti Sains Malaysia (USM), Persatuan Penduduk Bukit Bendera, Angkatan Pertahanan Awam Malaysia (APM), Pasukan Bomba Sukarelawan Air Itam Bukit Bendera, Pejabat Kesihatan Daerah Timur Laut, Balai Polis Bukit Bendera, Jabatan Taman Botani Pulau Pinang, dan komuniti pendaki.

Untuk sebarang pertanyaan, sila hubungi PBBPP di talian 04-8288880 atau emel ke inquiries@penanghill.gov.my

#TAMAT#

Mengenai Perbadanan Bukit Bendera Pulau Pinang (PBBPP)

Perbadanan Bukit Bendera telah ditubuhkan pada tahun 2009 melalui enakmen yang telah dipersetujui melalui persidangan Dewan Undangan Negeri. Tujuan utama penubuhan Perbadanan Bukit Bendera adalah untuk menguruskan perkhidmatan funikular, memulihara dan membangunkan Bukit Bendera sebagai destinasi eko-pelancongan utama dan visinya adalah menjadikan Bukit Bendera sebagai destinasi bukit peranginan terunggul di Malaysia dan di rantau ini

Unit Komunikasi Korporat

Lim Woan May
Penang Hill Corporation
Tel: 04-828 8880
wlim@penanghill.gov.my

Ahmad Aizat Bin Khalid
Penang Hill Corporation
Tel: 04-828 8880
aizat@penanghill.gov.my

Vivien Loo
Penang Hill Corporation
Tel: 04-828 8880
vivienloo@penanghill.gov.my

Tan Lee Ling
Penang Hill Corporation
Tel: 04-828 8880
ltan@penanghill.gov.my

Laluan TFH2023

Laluan ini adalah seperti yang disyorkan oleh pendaki yang berpengalaman. Paramedik akan bersiap sedia di tempat pemeriksaan dan lokasi penamat. Jarak laluan, tahap kesukaran dan masa tamat adalah seperti yang tertera dalam jadual di bawah:

Laluan	Kesukaran	Tempoh (Approx..)	Lokasi Permulaan	Jarak (Approx..)	Flag-off Time
1	Sederhana	4 Jam	Moongate Entrance A – Station 5 – Station P84 – Moniot Road – Viaduct West - Upper Tunnel Road – Bypass D – Summit Road – Dataran, Penang Hill	7.9km	7.00 am
2	Sederhana	3.5 Jam	Moongate Entrance B – Bukit Cendana – Jeep Track – Viaduct Road East – Bypass J - Jeep Track – Summit Road – Dataran, Penang Hill	6.5km	7.00 am
3	Sederhana	3.5 Jam	Penang Botanic Gardens Entrance – Reservoir – Station 46 – Jeep Track – Dataran, Penang Hill	6.0km	7.00 am
4	Mudah	3 Jam	Jeep Track – Upper Tunnel Road – Bypass B – Summit Road – Dataran, Penang Hill	6.2km	7.00 am
5	Mudah	3.5 Jam	Lower Station – Temple Road – Heritage Trail – Middle Station – Claremont – Viaduct Station – Viaduct Road West – Bypass H – Bypass E – Bypass C – Summit Road – Dataran, Penang Hill	5.0km	7.00 am
6	Mudah	3 Jam	Hye Keat Estate – Middle Station – Claremont – Viaduct Station – Bypass G – Lower Tunnel Road – Upper Tunnel Road West – Bypass A - Summit Road – Dataran, Penang Hill	4.5km	7.00 am
7	Sederhana	3 Jam	Jalan Air Itam (Near Police Station) – Middle Station – Farmers' Path - Viaduct Road West - Moniot West – Summit Road – Dataran, Penang Hill	7.7km	7.00 am

Penafian:

Walaupun langkah keselamatan akan diambil untuk memastikan keselamatan semua peserta, penganjur tidak akan bertanggungjawab terhadap sebarang kejadian, kecederaan, atau kematian sebelum, semasa atau selepas program. PBBPP menggalakkan hanya pendaki yang mahir / berpengalaman untuk menyertai acara tersebut bagi mengelakkan sebarang kejadian yang tidak diingini.

TFH2023

Tarikh : 24 September 2023 (Ahad)

Masa : 6:30 pagi – 12.00 tengahari (Semua peserta mesti daftar masuk **30 minit** sebelum masa *flag-off*).

Pendaftaran: Percuma. Daftar atas talian di www.penanghill.gov.my/tfh sebelum **14 Ogos 2023**.